



#### Impressum - Fläscheposcht

Herausgeber: Pfadi Wohle

#### Redaktion:

Lego, Michelle Gregor Silencio, Linus Albertin Spirou, Gabriel Käppeli Zwieback, Sabrina Heuberger Stufenverantwortliche

**Ausgabe:** 13 / Mai 2021

Erscheinungsweise: 3 Mal jährlich

Auflage: 350 Stück

**Design:** Zwieback, Sabrina Heuberger

#### 20 Kontakt:

3

4

18

28

29

30

21 Silencio, Linus Albertin 23 Bachmattenweg 3 24 5610 Wohlen 26 flaescheposcht@pfadi-wohle.ch 27

Homepage: www.pfadi-wohle.ch

Druck: Regio Print

#### **Inhaltsverzeichnis**

Vorwort
Stufenberichte
Auf den Spuren
Pfadi vom Trimester
Pfadi-Alltag
Leitervorstellung
Geheimtipp
Rätsel
Witze
Agenda
Dies und Das
Kontakte



Vorwort

Liebe Leserin, lieber Leser

Ein Jahr Corona, wir haben es alle langsam satt. Auch die Pfadi musste sich dem Virus unzählige Male anpassen. Trotzdem haben unsere Leiter:innen auch in diesem Trimester in jeder Stufe ein grossartiges Programm auf die Beine gestellt und es zwischendurch ganz flexibel auf Home-Scouting angepasst. Mit dem Bauen von Kissenburgen oder Werwölfeln via Zoom wurde allen Pfadis auch zwischen Januar und März etwas Tolles geboten.

Im Hintergrund arbeiteten zusätzlich noch viele Leiter:innen und Rover:innen für die Kurssaison im Frühling, welche nur teilweise stattfinden konnte.

Diese Planungsunsicherheit ist sehr ernüchternd und macht müde. Wer sich aber mit den Pfadigesetzen auskennt, weiss, dass wir Pfadis Schwierigkeiten stets mit Zuversicht begegnen sowie die Freude suchen und weitergeben wollen. Als neuer Abteilungsleiter möchte ich deshalb den Leiter:innen, aber auch allen Anderen, welche die Pfadi weiterbringen, ein riesiges M-E-R-C-I aussprechen und bitte euch, weiterhin so viel Engagement zu zeigen, wie ihr es bisher getan habt!

So sehen wir auch optimistisch in die Zukunft und freuen uns auf das Pfingstlager, Sommerlager und alle anderen Abenteuer, die im nächsten Trimester auf uns warten.

Allzeit bereit!

Lucky

Abteilungsleiter



#### Die Biber im Mittelalter

#### Hoi 7äme!

Mer Biber händ i dem Trimester ganz vill erläbt. Nachdem mir am Benjamin Blümchen gholfe händ wieder Fründe zfinde, simmer id Ziit vom Mittelalter greist. Am Afang händ mer dehei riesigi Burge baut – die eint schöner als die ander!

Zwar hemmer jetzt e tolli Residenz gha, aber no keis Gfährt. Drumm sind mer ufd Suechi nach starche Rösser, damit mer nümme müend laufe. Nachdem mer sie schön gschmückt hend, isch s Rosstraining drah gsi. Das hend aber alli mit Bravour bestande.





Zum eusi Fähigkeite bewiise, hät de Ritter eus amne Turnier agmolde. Im Halbfinale isches denn sowiit gsi. Ob Seili zieh oder Versteckis, mer hend alles geh. Am Schluss isch aber öpper ganz fest ufgfalle. Nämmli isch d Rebecca soooo starch gsi, das mer sie händ müesse a die höcher Liga (Bienli) abgeh. Das hät eus zwar scho sehr truurig gmacht, aber dank ihre gahts jetzt wiiter is Finale!



Aber zerst muess wieder a eusere Usrüstig umegfielet werde. Es Ross isch ja toll, aber was macht en Ritter ohni Rüstig? Das händ mer eus au gfragt und sind drumm grad ad Säck! Mit de neue Ritterrüstig und de Rösser werdemer aber das Finale sowas vo gwünne, oder?! Mer bliibed gspannt!

Guet Frönd S` Biberleitigsteam





#### De Rückblick vo de Bienli

D Winterziit chunt immer nöcher und so au de Samichlaus. Das Johr hemmer euses Chlausi leider nur 1 Tag chöne dureführe.

De Samichlaus wünscht sech en wunderschöni Adventsziit. Wer chan ihm da echt helfe. Natürlech die gueti Frau Holle, wo alles schneewiis cha mache.





Bevor d Frau Holle s het lah schneie lah, hemmer zerscht no paar gueti Tate müesse erfülle. Die hemmer natürli alli schön erfüllt und denn het de Samichlaus chöne cho. Usem goldige Buech liest er jedem Bienli ihri guete, sowie au schlechte Tate vor.

Es neus Johr het ahgfange. Leider ischs weg de aktuelle Situation lang nid müglech gsi, id Pfadi z gha. Mir hend Ufgabe becho zum deheime



z' mache. Mir hend eusi eigeti Gschicht müesse schriebe, anere Schnitzeljagt folge oder es Pfadifoulard mitem Zopfteig bache. Trotz dem ganze sind gueti Ergebnis usecho und es het Spass gmacht, au deheime nochli Pfadi z ha.

Gege Ostere ischs denn ganz normal wiiter gange. Mir hend de Osterhas gsuechet und en denn schlussentlich gfunde. De Osterhas





mal chli usegforderet und si denne verabschiedet. Mir werdet dich ih eusem Leiterteam vermisse.

Das isch en chline Ihblick gsi id Wält vode Bienli. Mir gnüssed jetzt eusi Frühligsferie und denn gahts denn nochher wiiter

Euses Best S' Bienlileiterteam het eus no jedem es Näschtli versteckt, sodass mers chönd go sueche. Er het eus versproche, dasser au das Johr mit Corona wir verbii cho und jedem en Osterhas verbii bringt.

Zum Schluss hemmer eus leider no müesse vode Mocca als Leiterin verabscheide. Mit paar knifflige Ufgobe hemmer si no s letschte







## **Uf de suechi nochem Schatz und emne Schoggichugle-Ersatz**De Wölflibricht



Nochdem dass die schlaue Wölfi em Sherlock und em Holmes ghulfe hei de grossi, heissbegehrti Schatz z'suche wos unbedingt händ welle finde, isch's au scho rassant wiiter gange. Nämlich mitem Mozart. Jo genau mit em Mozart. Aber nöd öppe wil er



verlernt hät Musig z'mache, nei nämlich wäg öppis viel schlimmerem. Er isch dorum ohni sies ihverständnis uf d'Schoggichuggle drufcho. Die weltbekannte Mozartkugele. Mer händ em denne gholfe en geignete Ersatz z'sueche, wo er denne sälbstverständlich au möchti druffe sie. Defür händ sich d'Wölfli i chlini Gruppene ufteilt und all d'Köpf zämme doh, zom em Mozart z'helfe.









chönne sammle. Debie isch's sehr wichtig gsie, dass sie sehr schlau sind, guet chönd Musig spiele, starch sind, aber au es bizli Glück isch debii gsi. Halt so chlii sii, wie de Mozart au gsi isch. Schlussändlich isch's es Chopf ah Chopf Ränne gsie und es händ all Charaktere exzellent abgschlosse. Zum fiire vom neue Gsicht vode Schoggichuggle händ mer extra



Nochricht mitteile und zur Fiir, will de Mozart überglücklich gsie isch, het er es super Grillfäscht ufbout und mer händ all chönne eus d'Büch voll ässe und mit vollem Mage und eme guete Gwüsse chönne hei go.

Euses Bescht s'Wölflileiterteam Nochdem das zahlriichi Idee zäme cho sind und vieli Persone zur Uswahl gstande sind, isch's drum gange, wer denn würkli de Besti für uf d'Chuggle isch. Das händ d'Wölfli chönne zeige, ih dem sie die einzelne Charaktere gägenand händ chönne ahträtte loh und da defür Pünkt händ



Behälter für's Süesse bastelt und au no öppis für de chlini Hunger dezue bached. Zwar kei Mozartchuggle, aber grad gnau so gueti Cornflakesguetzli! Nochher händ mer au scho chönne im Mozart die super





#### Pizzaplausch bi de Pfadisli

Nach ere lange Pfadipause hemmer eus endli weder döffe gseh! Leider hend mer aber mit Schrecke mösse feststelle, dass mer alli chli zugnah hend... de cheibi Corona-Speck.

Aber keis Problem für eus Pfadisli, well mit chli Sport und ganz viel Spass, hemmer de ganz schnell weder abtrainiert.

















Aber nach dem viele Sport mache, hemmer denne doch gmerkt gah, dass mer Pfadisli lieber weder wördet ganz vill esse. Aber das Esse hemmer natürli ned eifach so becho. Denn zom Zuetate für eusi Pizza und euse Pfadichuche becho, hemmer mösse euse Pfadikenntniss unter Bewies stelle und kreativ werde.

D Pizza und de Pfadichuehe sind eifach de hammer gsie! Mhmmmm!

Allzit bereit S Pfadislileiterteam






#### Pfader im Minecraftsieber

Auch in diesem Trimester haben die Pfader mal wieder vieles erlebt und angestellt, und das trotz den eingeschränkten Möglichkeiten. Angefangen hat es mit dem Chlaustag. Dort haben wir zusammen den Bösewicht "Krampus" besiegt und danach am Abend den Samichlaus getroffen. Wie jedes Jahr hat er uns erzählt, was wir denn so Gutes und Böses angestellt haben. Als Belohnung für unsere Tapferkeit gab es viele Süssigkeiten, die natürlich schnell wieder weg waren.

Und dann war das Jahr schon wieder fast vorbei. Am Jahresabschluss haben wir nebst dem Jahresrückblick und der Titelverleihung einen neuen





12



Regelungen, wodurch normale Aktivitäten nicht mehr möglich waren. Trotzdem hatten wir wie zuvor jeden Samstag eine Aktivität gehabt, diese jedoch Online. Mal haben wir etwas mit der ganzen Abteilung gemacht, ein anderes Mal haben nur wir Pfader ein "Werwölfle" gemacht.
Zum Glück konnten wir nach ein

Zum Glück konnten wir nach eir paar Wochen wieder normale Aktivitäten machen. Dort ging es gleich wieder Vollgas los,



denn plötzlich fanden wir uns im Videospiel "Minecraft" wieder. Wir haben uns ein Ziel gesetzt: Wir wollen Minecraft durchspielen und den Enderdrachen besiegen. Um dieses noch weit entfernte Ziel zu erreichen, mussten wir natürlich zuerst mit den Basics beginnen.





Und wie das in Minecraft so üblich ist, haben wir angefangen Holz zu sammeln. Nachdem wir endlich unsere Werkzeuge und Ausrüstung beisammen hatten, konnten wir endlich ins Nether. Weiter sind wir leider noch nicht gekommen, jedoch erwarten uns bestimmt noch weitere, interessante und

herausfordernde Abenteuer, die wir zusammen erleben werden. Und falls Sie jetzt immer noch keine Ahnung von Minecraft haben, dürfen sie gerne Ihr Kind befragen. Sie werden sich bestimmt freuen, Ihnen solche Fragen beantworten zu dürfen.

Allziit bereit S'Pfaderleiterteam






#### S'neuste vo de Pios


S Johr het bi eus leider ned so guet gstartet, wil die planti Aktivität vom Übertritt für die neue Pios leider het müesse abgseit werde. Als Ersatz hets defür denn en Zoom-Spieliaktivität geh.

Bis mer ois wieder hend döffe treffe hämmer es paar wiiteri Online-Spilinomitäg gha, teilwiis au mit de Pfadisli und Pfader zäme. Bim Online Gländgame hets zum Biispiel Challenges gha wie möglichst viel Chleider aalegge, Chnöpf vorzeige oder es Füür mache ohni Füürzüüg oder Zündhölzli. En Versuech, mit eme Papiernastüechli direkt uf de Herdplatte e Cherze aazzünde isch leider gscheiteret. (Bitte ned Nohmache!)











Im Grosse und Ganze isches jo scho guet gsii, aber mer hetted halt scho viel lieber alli Fründe vor Ort welle gseh...

Die ersti physischi Aktivität isch denn d Piochallenge vom Kanton gsii. Do sind d Teams vo de andere Abteilige alli per Zoom verbunde gsi und mer händ müesse Uufgabe möglichst kreativ löse zum bim Leiterlispiel möglichst höch ufechoo. Leider isch s Würfelglück aber ned uf oisere Siite gsii.

#### Stufenberichte





Im Moment simmer grad voll i de Solaplanig. Das Johr wird's chli andersch wiemers süsch kennt vo de andere Stufe...





Mer möched nämli es Unterwegssola. I chlinere Gruppe planemer jewiils de roti Fade und einzelni Blöck, sodass jedi und jede ihres Traumsola wird chönne erlebe – also los ahmelde Pios, die wos noni gmacht hend!

7äme wiiter







#### Grosses M-E-R-C-I und Sola-Aufruf bei den Rovern

Es Danke ad Sierva:

Liebi Sierva du schöni Cherze Mer danked der vo ganzem Herze

för diini Ziit ide Roverleitig es esch verbiigange so gleitig. Met vöu Härzbluet



ond ganz ohni Zauberhuet

8.86 km

hesch organisiert onvergässlechi Aktivitäte för zahlriichi dankbari Identitäte.

För dini plante SoLa, Speliobe, Vegiwörscht ond Johresabschloss geht's of de Buuch en decke Koss.

Du besch emmer fröhlech ond motiviert gsii, för das geht's es riesegrosses M-E-R-C-I!

Willkommen im Roverleitungsteam:

Wir begrüssen ganz herzlich unser neues Mitglied in der

Roverstufenleitung.





#### Rover Sol a:

Das Rover SoLa findet vom Donnerstag, 5. August bis Sonntag, 8. August 2021 statt. Ihr könnt euch dafür gerne noch im Doodle eintragen (linker QR-Code). Helft uns das Motto für das Rover Sommerlager zu finden und tragt



5.97 km

drei Gegenstände in das Formular (QR-Code rechts) ein. Wir freuen uns auf ein tolles Lager mit euch!



Doodle fürs Rover SoLa



Begriffe fürs Rover SoLa



#### Bewosst Handle, Cörri, Masoala & Tanuki


P.S.: Danke, dass du dich auch um das Kleingedruckte scherst. Auf der Seite befindet sich ein Rätsel zum Rover SoLa. Lösungen bitte an das Roverleitungsteam einsenden. Viel Spass!!





#### Auf den Spuren der Pfadi Wohle

Da im nächsten Sommer das Bundeslager der Pfadi Schweiz unter dem Motto «Mova» stattfindet, habe wir uns auf die Suche nach einem alten Zeitungsbericht gemacht. Fündig wurden wir beim vorletzten Bula.



## Auf den Spuren

## FLÄSCHE POSCHT

Auch das Bula im Sommer 2022 wird ein Riesen-Highlight werden, das ihr auf keinen Fall verpassen solltet!

Alle Pfadis der Schweiz an einem Ort, das gibt es nicht oft! Deshalb, streicht euch schon jetzt das Datum vom 23.07. - 06.08.2022 in eurer Agenda an!





#### Pfadi vom Trimester

**Steckbrief** 

**Pfadiname:** Onni

Name: Livia Zemp

Alter: 18ni

Tätigkeit ide Pfadi: Biberleiterin

Diesmal besuchte die Fläscheposcht die Biber. Onni hat

sich unseren Fragen gestellt.

Sit wenn bisch du ide Pfadi?

Siit 11 johr, scho zimli en Senior ide Pfadi.



#### Wieso häsch du dich fürs Biberleite entschiede?

Well ich mega gern mit chline Chind öppis mache und das gaht vom schaffe her bide Biber am Beste. :)

#### Weles isch dini coolsti Erinnerig ad Pfadi?

Eidütig s ALA und s Kala und Kala Luzern, womer als Gast dete gsi send.

## Welli drü Sache döfed bi dir im Rucksack nöd fehle, wennt ines Lager gasch?

Ässsee, Foulard und min Biberleiterpulli:)

Wenn du en gheime Verein chönntisch gründe, was wärs für eine? En Verein us mine beschte Lüt womer mitem Rucksack dur d Wält gönd :)

#### Isch en Hotdog es Sandwich? Werum- bzw. werum nöd?

Aso ich fend es isch keis Sandwich well ich Sandwich nööd so gern han aber Hotdog liebe!

## Wenn mer dich grundlos verhafte würd, was würded dini Kollege dänke, was du verbroche häsch?

Wäge mine tollpatschige Art hetti en Büüle ine Laterne gmacht, weli drigheit bin, Laterne sind halt scho tüür, leider hani nöd so vell Gäld dorum halt lieber is Gfängnis..

#### Danke dir vell mol förs Interview!



Ein Samstagnachmittag in der Pfadi Wohle - In Bildern







# Leitervorstellung

## FLÄSCHE POSCHT

#### Leitungsteamvorstellung

#### Biberteam, Tweety, Marina Brand



Uf was freusch dech am Meiste am Leitersii?

Ich freu mich druf mit de Biber cooli erinneriae Sammle

Wie lana bisch du scho ih de Pfadi?

sit 2012

Was isch diis coolste Pfadierlebnis gsi?

sAla. Bsunders dass die ganz Pfadi Wohle dete gsi isch und s Böötle isch au sehr cool asi.

Wer het dech damals tauft?

De Omega

Was isch diini Lieblingsschoggistängelifarb?

Natürlich blau

#### Bienliteam, Sprudel, Julius Burlet



Uf was freusch dech am Meiste am Leitersii?

Uf d Lager, ich dänke, die machid zum Leite am Meiste Spass!

Wie lang bisch du scho ih de Pfadi?

Sit 8 Johr

Was isch diis coolste Pfadierlebnis gsi?

De Hike imne Pfadersola, wommer eus verlaufe hend, am Ändi aber trotzdem no ahcho sind.

Wer het dech damals tauft?

Wenn ich mech richtig erinnere isch das d Sierva gsi

Was isch diini Lieblingsschoggistängelifarb?

Die gälbe sind natürlich die Beste. :)

#### Wölfliteam, Akku, Georg Burger



Uf was freusch dech am Meiste am Leitersii?

Uf s Lager leite, han immer uf de andere siite si wölle.

Wie lang bisch du scho ih de Pfadi?

Siit Sommer 2009, also bald 12 Jahr

Was isch diis coolste Pfadierlebnis gsi?

s Pio SoLa 2019. Es het viel Lüüt vo echli überall gha und d Leiter sind au mega cool druf gsi.

Wer het dech damals tauft?

de Dingo

Was isch diini Lieblingsschoggistängelifarb?

Blau isch mit Abstand s Beste!

#### Pfaderteam, Joker, Severin Strebel



Uf was freusch dech am Meiste am Leitersii?

Mal hinter d Kulisse zgseh

Wie lang bisch du scho ih de Pfadi?

I be scho ca. 11 Johr ide Pfadi.

Was isch diis coolste Pfadierlebnis gsi?

S KaLa isch super gsih, wil ich eifach vo de schiere Grössi überrascht gsih bin und wel so vel verschidni Abteilige debi gsih sind.

Wer het dech damals tauft?

Öbber vom damaliae Wölflileitiasteam.

Was isch diini Lieblingsschoggistängelifarb?

Grüen





1 Feuer



#### Heissgeliebtes Schlangenbrot

Jeder Pfadi kennt es. Das Schlangenbrot. Aussen ein bisschen angebrannt und innen doch noch etwas teigig – doch genau so muss es sein! Mach deinen eigenen Schlangenbrot-Teig und ab in den Wald!

Zutaten (für ca. 4 Personen) 1 Hefewürfel und 1 dl Wasser 500 g Mehl ca. 300 ml Wasser 2 TL Salz 1 TL Honig 1 Schlangebrot-Stäcke



Schritt 1 Den Hefewürfel in ca. 1 dl lauwarmem Wasser geben und umrühren bis vollständig aufgelöst.



Schritt 2 Das Mehl in einer Schüssel aufhäufen und in der Mitte eine Mulde machen.







Schritt 3 Das Salz am oberen Rand des Mehls verteilen und den Teelöffel Honig in die Kuhle geben.



Schritt 5 Nach und nach das restliche Wasser hinzugeben und verrühren.



Schritt 4
Aufgelöste Hefe in die Mehlkuhle geben und vorsichtig zu einem Vorteig verrühren.



Schritt 6
Teig aus der Schüssel nehmen und mind. 7 Minuten gut durchkneten.



Schritt 7 Den Teig um den Schlangenbrot-Stäcke wickeln und über dem Feuer bräteln.

**Pro-Tipp:** den Teig mit Schoggi-Stückli oder Speck verfeinern! En Guete! :-)











#### Rätselseite


Drudel: Was ist das?





#### Hashiwokakero

Verbinde die einzelnen Zahlen mit einfachen oder doppelten Linien so miteinander, das es einen zusammenhängenden Pfad ergibt. Die Linien dürfen nur horizontal oder vertikal eingezeichnet werden. Die Höhe der Zahl gibt an, wie viele Linien den Zahlenkreis berühren dürfen.



1	5	5	1
3	8	6	3
1	3	3	4
1		3	4
	2	5	4





Was ist ein studierter Bauer? - Ein Ackerdemiker

Ich habe gestern meinen persönlichen Rekord beim 100m Lauf geknackt - 64 Meter! Mit dem
Bizeps
anzugeben
ist doch echt
oberarm!

Was ist grün und sitzt auf dem Klo? - ein Kaktus

Sag mal, ist dieser Fisch immer so nervig?

- Ja er ist ein Stör!

Warum darf man keine Tiere in die Disko mitnehmen?
- Weil die dort anfangen mit

Wie nennt man ein Lama, welches auf Rahm ausrutscht und auf einen Gong fällt?

- Ramalamadingdong

Wie nennt man einen Ritter ohne Helm? - Wilhelm.

iedem zu diskotieren.

Was wird aus einem Waschbär, wenn er ins Fitnessstudio geht? - Eine Waschmaschine Was macht "thhhhh"?
- eine Schlange, die lispelt.

Geht der Patient zum Doktor. Patient: Wenn ich morgens Kaffee trinke, habe ich immer so ein Stechen im Auge. Doktor: Sie sollten jeweils den Löffel aus der Tasse nehmen.

Ich kann keine Suppe mehr sehen. Aber die Suppe kann mich sehen, bei all den Linsen.

Peter zu seinem Freund: «Mein kleiner Bruder wird Mittwoch getauft.» Freund: «Mittwoch? Blöder Name!»

Was ist schwarz-rot, schwarz-rot, schwarz-rot etc.?
- Ein Zebra mit Sonnenbrand.

Was ist rot und schleimig? - Rotzkäppchen

#### Schick uns deinen Witz!

Weisst du einen guten Witz? Dann her damit! per Mail an flaeschepost@pfadi-wohle.ch oder per Post an: Silencio, Linus Albertin, Bachmattenweg 3, 5610 Wohlen







**Pfagenda**Die nächsten Termine der Pfadi Wohle

Was	Datum	Wer
Roveranlass Fun	19.06.2021	Rover
Techniktag 1 (Solothurn)	20.06.2021	Pios
Sommerlager	Daten stufenindividuell	Wolfs-, Pfadi-, Pio-, Roverstufe
Sommerferien	05.07 08.08.2021	
Techniktag 1 (Aargau)	15.08.2021	Pios
Putztag	21.08.2021	Alle
Papiersammlung (Wolfsst. keine Aktivität / Pfadist. Fähnliaktivitä	28.08.2021 t)	Leiter*innen, Rover
Abenteueranlass Roverstufe	29.08.2021	Rover
Bott	03.09 05.09.2021	Alle
Techniktag 2 (Aargau)	12.09.2021	Pios
Roverspieleabend	16.09.2021	Rover
Leitungsteamtag Pfadi Wohle	25.09.2021	Leiter*innen
Herbstferien	04.10 17.10.2021	
Übertritt Wolfs- / Pfadistufe	23.10.2021	Wolfs-, Pfadistufe
LeiterInnenforum (Pfadi Aargau)	05.11.2021	Leiter*innen
Rovernachtaktivität	06.11.2021	Rover
Techniktag 2 (Solothurn)	14.11.2021	Pios
Pio- und Roversportturnier	20.11.2021	Pios, Rover
Papiersammlung (Wolfsst. keine Aktivität / Pfadist. Fähnliaktivitä	27.11.2021 t)	Leiter*innen, Rover
Chlausweekends	04.12 05.12.2021	Wolfs-, Pfadi-, Piostufe
Übertritt Pio- / Roverstufe	11.12.2021	Pios, Rover
Jahresabschluss	11.12.2021	Rover
Waldweihnacht	18.12.2021	Alle
<b>Zum Vormerken</b> Bundeslager	24.07 08.08.2021	Alle

Die aktuellen Termine findest du immer auch unter www.pfadi-wohle.ch.







### **Pfadishop**

Kennst du schon unseren Pfadishop? Z.b. die coolen Pfadi Wohle T-Shirts oder die Pfadi Wohle Sonnenbrillen?




Diese und noch viele weitere tolle Artikel kannst du bei unserer Materialstelle bestellen und abholen.


Alle Infos findest du unter www.pfadi-wohle.ch/pfadi-shop

Lösungen der Rätsel:

#### Drudel:

Eine Fahne im Wind Eine Spinne beim sich Herunterlassen/ Handstand





### «Der Mensch, der keine Pläne macht, macht im Leben keine Fortschritte.» Lord Robert Baden-Powell, BiPi

www. **Regio-Print**.ch
Der moderne Print-Shop

Ihr Partner für:
Beratung - Grafilk
Drucken - Plotten
S610 Wohlen
056 610 66 88
bugmann@regio-print.ch

